

## ILLVSTRI ET GENERO-

SO VIRO AC DOMINO, DOMINO AN-

DREAE DV DITHIO *ab Horehu viza, Caesaris**(Consiliario, Domino suo honorando,*

THOMAS ERASTVS

S. P. D.



NON mediocri me voluptate affe-  
cit de Cometarum significationi-  
bus Commentarius tuus, Vir Il-  
lustris ac Generose, quē ex pro-  
ximis nundinis ad me misit Pe-  
trus Perna Typographus indu-  
strius. Quī enim non vehemēter  
gauderem, quod ab eius viri sen-  
tentia me non discessisse intelligo, qui propter illustrem  
dignitatem, doctrinam præstantem, prudentiam singu-  
larē, humanitatem vix credibilem, & iudiciū in omnibus  
ferē exquisitum, in omnium eruditorum ore est atq; ad-  
miratione? Quia facile fit, vt nobis persuadeamus verum  
esse, quod perspicaciores falsum esse vident, nō immeritō  
putamus tunc in errore nullo nos versari, cū ab eruditis-  
simis, quibus rectē iudicandi facultatē Deus præ multis  
alijs cōcessit, comprobari nostra cernimus. Sed nolo hac  
de re plura in præsentia dicere, ne, dū tua prædico, in suspi-  
cionē apud aliquos veniā, quasi mea cōmendare uelim.  
Quia em̄ idē sentimus, facile aliqs putet, me in tui nomi-  
nis claritate propriā gloriolā aucupari: q̄ certē in mentē  
mihi nō venit. Etsi verō orationis gratiā et puritatē, sentē-  
tiarū grauitatē, tractationis elegantīā, argumentorū con-  
cinnā dispositionē, ac huius generis alia plura in te, vir am-  
plissime, citra dictā modo suspicionem laudare possem.  
(Nullus em̄ nescit, qui me nouit, de talib. reb. certare me  
tecū non posse) tamē tenuitatis mihi meę cōsciū, tacere

L